

Na osnovu Sporazuma o saradnji na realizaciji projekta "Sufinansiranje gasnih priključaka na postojeću infrastrukturu Sarajevogasa", broj: 05-11-39894/24 (naš br. 216/24) od 23.08.2024. godine, zaključenog između KJKP „Sarajevogas“ d.o.o. Sarajevo i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Sarajevogas“ d.o.o. Sarajevo raspisuje

JAVNI POZIV

za izbor korisnika sufinansiranja troškova izgradnje novih priključaka individualnih stambenih objekata na distributivnu gasnu mrežu

I - PREDMET JAVNOG POZIVA

Predmet Javnog poziva je prikupljanje prijave za sufinansiranje troškova izgradnje novih priključaka individualnih stambenih objekata na distributivnu gasnu mrežu sa nabavkom i ugradnjom mjernih i regulaciono-mjernih setova.

II - USLOVI ZA SUFINANSIRANJE TROŠKOVA IZGRADNJE NOVIH PRIKLJUČAKA

1. Prijavu na javni poziv za izgradnja novih priključaka individualnih stambenih objekata na distributivnu gasnu mrežu sa nabavkom i ugradnjom mjernih i regulaciono-mjernih setova mogu podnijeti vlasnici:
 - a) Individualnih stambenih objekata,
 - b) Stambenih jedinica u objektima kolektivnog stanovanja gdje postoji priključak za gas,
 - c) Stambenih jedinica u objektima kolektivnog stanovanja gdje ne postoji priključak za gas.

2. Podnosioci prijave iz tačke 1. podtačke a) i b) ovog javnog poziva moraju ispunjavati sljedeće uslove:
 - a) Da posjeduju Informaciju o mogućnosti priključenja sa predmjerom materijala i radova.
 - b) Da posjeduju ovjeren Projekat unutrašnje gasne instalacije (ukoliko je Energetska saglasnost starija od dvanaest (12) mjeseci istu je potrebno produžiti),
 - c) Da posjeduju ovjeren Zapisnik o završetku izvođenja radova na postavljanju unutrašnje gasne instalacije i uređaja.

3. Podnosioci prijave iz tačke 1. podtačke c) ovog javnog poziva moraju ispunjavati sljedeće uslove:
 - a) Da posjeduju ovjeren Zapisnik svih etažnih vlasnika da će koristiti prirodni gas,
 - b) Da posjeduju Informaciju o mogućnosti priključenja sa predmjerom materijala i radova,
 - c) Da posjeduju ovjeren Projekat unutrašnjih gasnih instalacija,
 - d) Da posjeduju Dozvolu za upotrebu objekta izdatu od strane nadležnog organa najkasnije do dana objavljivanja Javnog poziva.

III - DOKUMENTACIJA UZ PRIJAVU NA JAVNI POZIV

Podnosioci prijava su dužni uz prijavu na ovaj javni poziv, koja sadrži ime i prezime podnosioca prijave, adresu stanovanja i kontakt telefon, dostaviti uredne dokaze da ispunjavaju uslove iz dijela II ovog javnog poziva, i to:

- 1) Podnosioci prijava iz dijela II tačka 1. podtačke a) i b):
 - a) Informacija o mogućnosti priključenja izdata od strane KJKP "Sarajevogas" d.o.o. Sarajevo u originalu ili ovjerenj kopiji, ne starija od dvanaest (12) mjeseci, a ukoliko je Informacija starija od dvanaest (12) mjeseci istu je potrebno produžiti,
 - b) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenj kopiji,
 - c) Zapisnik o završetku izvođenja radova na postavljanju unutrašnje gasne instalacije i uređaja sačinjena od strane izvođača gasnih instalacija iz Registra ugovornih izvođača KJKP "Sarajevogasa" d.o.o. u originalu ili ovjerenj kopiji.

- 2) Podnosioci prijava iz dijela II tačka 1. podtačka c):
 - a) Zapisnik sa izjavom svih etažnih vlasnika da će koristiti prirodni gas ovjeren u općini ili kod notara,
 - b) Informacija o mogućnosti priključenja izdata od strane KJKP "Sarajevogas" d.o.o. Sarajevo, u originalu ili ovjerenj kopiji, ne starija od dvanaest (12) mjeseci,
 - c) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenj kopiji,
 - d) Dozvolu za upotrebu objekta u originalu ili ovjerenj kopiji.

Maksimalan iznos sufinansiranih troškova izgradnje novih priključaka po stambenoj jedinici je 1.500,00 KM bez PDV.

Troškovi izgradnje gasnog priključka uključuju:

- Materijal i radove potrebne za izgradnju priključka i
- Nabavku i ugradnju mjernih i regulaciono-mjernih setova.

U slučaju da su navedeni troškovi veći od 1.500,00 KM bez PDV (veća udaljenost objekta za priključenje od distributivne gasne mreže, prokopi javne površine, itd.) podnosilac prijave dužan je dostaviti Izjavu da je saglasan da će finansirati razliku troškova za izgradnju gasnog priključka.

U slučaju da je za izgradnju priključka objekta na distributivnu gasnu mrežu potreban prokop javne površine podnosilac prijave je dužan pribaviti i dostaviti odobrenje nadležnog organa za prokop javne površine.

Podnosilac prijave na ovaj javni poziv ima pravo na sufinansiranje troškova samo jednog priključka na distributivnu gasnu mrežu.

Sredstva za sufinansiranje troškova izgradnje novih priključaka su ograničena, a predviđena su u Budžetu Kantona Sarajeva.

Sve zaprimljene prijave na javni poziv koje zadovoljavaju uslove javnog poziva će biti sufinansirane u priznatom dijelu troškova, do potrošnje planiranih sredstava.

Prednost prilikom odabira prijave za sufinansiranje će imati ranije zaprimljena prijava na javni poziv.

IV – DOSTAVLJANJE PRIJAVA NA JAVNI POZIV I IZBOR KORISNIKA

Prijave na javni poziv se dostavljaju putem pošte ili na protokol KJKP „Sarajevogas” d.o.o. Sarajevo, na adresu: Trg Fadile Odžaković Žute broj 4, 71000 Sarajevo. Na koverti posebno naznačiti **“Prijava na Javni poziv za izbor korisnika sufinansiranja troškova izgradnje novih priključaka individualnih stambenih objekata na distributivnu gasnu mrežu – NE OTVARATI”**.

Javni poziv ostaje otvoren šezdeset (60) dana od dana objavljivanja.

Javni poziv će biti objavljen u dnevnom listu Oslobođenje, na web stranici Kantona Sarajevo i web stranici KJKP „Sarajevogas“ d.o.o. Sarajevo.

Rok za podnošenje prijave računa se prema datumu objave javnog poziva u glasilu koje zadnje objavi javni poziv.

Dan predaje prijave kandidata na poštu ili na protokol u sjedištu KJKP „Sarajevogas“ d.o.o. Sarajevo smatra se danom prijema, odnosno podnošenja prijave.

Izbor potencijalnih korisnika sufinansiranja po ovom javnom pozivu vršiće Komisija za izbor korisnika sufinansiranja, koja će provesti Javni poziv i sačiniti konačnu Listu korisnika kojima će se izvršiti izgradnja novog priključka sa nabavkom i ugradnjom mjernih i/ili regulaciono-mjernih setova.

Nepotpune, neuredne i neblagovremene prijave neće biti predmet daljeg razmatranja.

Konačna lista korisnika kojima će se izvršiti izgradnja novog priključka sa nabavkom i ugradnjom mjernih i/ili regulaciono-mjernih setova usvaja se odlukom direktora KJKP „Sarajevogas” d.o.o. u roku od 30 dana po zatvaranju javnog poziva.

Konačna lista korisnika objaviće se na web stranici KJKP „Sarajevogas”d.o.o. i web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

DIREKTOR PREDUZEĆA

Hase Tirić